

Gveigangj Si Gangjnanz Gih Cujdiuynz Daengz Diemj Guhyiengh Minzczu Doxgiet Baenaj Caeuq Dieg Cunghgyau Hozdung Diuynz

Vih haeujlaeg doicaenh hong cauhlaeb minzczu doxgiet baenaj, dungjcouz guh ndei hong cunghgyau lingyiz ancienz onjdingh, 4 nyied 7 hauh daengz 9 hauh, Gveigangj Si Gangjnanz Gih kujdiuynz daengz diemj guhyiengh minzczu doxgiet baenaj caeuq dieg cunghgyau hozdung diuynz, giengzdiuh aeu genhciz aeu couqmaenh gij eiqsik Cunghvaz Minzczu ranz vunz ndeu guh diuz sienq-meh, cuknet giekdaj minzczu doxgiet caeuq cunghgyau huzndei, cukmaenh

ancienz hwngfat fuengzsieng. Cujdiuynz daengz Sinh dangz Cin Sanhbenh Cunh Mbanjcaujbingz、Gyanghnanz Gaihdau Lenzswz Segih、Gih Yinzminz Fazyen、Gangjnanz Daih’ it Siujyoz、Vajdangz Cin Mbanjyanghgyangh daengj dieg, doenggvaq yienhciegz yawj、dingq ganggej daengj fuengsik, engq ndei liujgaij gij cingzyauq、diemjrongh、vwndiz gij hong cauhlaeb minzczu doxgiet baenaj Gangjnanz Gih, caemhcai q daezok cijdauj yigen.

Riengzlaeng, kujdiuynz bae Giuzhih Cin Mbanjungvuz Cangzhingh Denhcujdangz、Bazdangz Gaihdau Mbanjsanhbanj Sanhbanj Denhcujdangz、Nanzsanh Caeh daengj dieg cunghgyau hozdung saeddeih genjcaz gij cingzgvang ancienz guenjieix、gveihfanva gensez caeuq cingzgvang guh hozdung cunghgyau, caemhcai q caeuq cunghgyaugai boux daibyauij haeujlaeg gyauhliuz. Cujdiuynz giengzdiuh, aeu dungjcouz ca ndei ancienz caeuq

hwngfat cunghgyau lingyiz, lozsiz cawjdaej cwzyin, gyagiengz baizcaz cingcieh huxndumj, laebndei gihei lenzfuengz lenzgung, giengiet fuengzre vaqgej fungyiemj huxndumj; aeu daj gyaeuj daengz rieng genhciz aen fuengyiengq cunghgyau guek raeuz miz yiengh Cungguek, dazyinx cunghgyaugai kujdung yungzhaeuj sevei cuji haedsim gyacizgvanh saedguh, cietsaed henhoh cunghgyau lingyiz huzndei onjdingh.

(Veih Gujlungz/ 覃古龙)

Hocouh Youq Vangzyauz Singzgeq Guh Majlahsungh

4 nyied 13 hauh, 2025 Vangzyauz Singzgeq Majlahsungh youq Cauhbingz Yen Vangzyauz Singzgeq guh. Mbat doxdax neix youz Hocouh Si Yinzminz Cwngfuj cawjbanh, Si Dijyuz Giz、Cauhbingz Yen Yinzminz Cwngfuj daengj danhvei ciepbanh. Gunh 5000 boux yindungyenz faenbied camgya daengx aen Majlahsungh (42.195 goengleix)、buenq aen Majlahsungh (21.0975 goengleix) caeuq ndangcangq buet (5 goengleix) sam aen hanghmoeg doxdax.

(Vangz Yuzhuz/ 黄旭胡)



▲Doxdax yienhciegz gyoengqyunz caemh buet okdaj.



▲Bouxrahong cam gunghcoz yinzyenz gij saenqsik aeu vunz.

Vuzcouh: Hawciengz Coi Couhnieb Lingzvued

4 nyied 8 hauh, youq Vuzcouh Si Vansiu Gih Hawciengz Honglingz, haujlai bouxrahong cam boux gunghcoz yinzyenz liujgaij gij saenqsik aeu vunz. Gaenh geij bi daeuj, Vuzcouh Si lienzdaemh doicaenh hwnqguh diji fuzvu goenggungh couhnieb, haenqrengz hwngfat goeng’ iksingq hawciengz honglingz. Vih boux guh honglingz、boux guh hong laemzseiz、boux guh hong seizdinj daengj vunz daezhawj fatbough saenqsik、gwnzmuengx doxboiq doiqciep、son dinfwngz、gienzik baujchang daengj fuzvu, mizyauq coicaenh bouxguh hong lai roenloh miz hong guh.

(Hoz Vazvwnz/ 何华文)

Sanhgyangh Angqhoh Conzdungj “Ciet Byaekgut”

4 nyied 12 hauh, Sanhgyangh Duncuz Swciyen Dungzloz Myauzczu Yangh Mbanjgauhba h guh conzdungj “ciet byaekgut” minzczu bohvei, gak minzczu ginzung daj gapgyaiq Gvangjsih、Gveicouh daeuj haenx daenj buhvaq gyaeuqndei angqyangz comz youq giz ndeu, mbaet byaekgut、ciengq go dohyeh、yienjheiq、bouxcoz sai mbwk gap baengzyoux daengj lai cungj hingz sik angqhoh ciet ndei.

(Lanz Gunh/ 兰堃)



▲Gak cuz bouxcoz doxvuenh bingj diengz gap baengzyoux.